



KANTONS

Broj: 02-04-95-1/25
Sarajevo, 26.03.2025. godine

SKUPŠTINA KANTONA SARAJEVO

Služba za skupštinske poslove Skupštine Kantona Sarajevo
Reisa Džemaludina Čauševića br. 1
71000 Sarajevo

VLADA KANTONA SARAJEVO

Stručna služba Vlade
Reisa Džemaludina Čauševića br. 1
71000 Sarajevo

Predmet: Odgovor na zastupničko pitanje, dostavlja se

Zastupničko pitanje zastupnice Vedrane Vujović postavljeno na 20. Radnoj sjednici Skupštine Kantona Sarajevo, od 14.03.2025. godine, Direkciji za robne rezerve Kantona Sarajevo (u daljem tekstu: Direkcija) dostavljeno aktom Skupštine Kantona Sarajevo broj: 01-04-8708-21/25 od 14.03.2025. godine glasi:

“Koji je razlog zašto još uvijek u skupštinsku proceduru nije upućen Prijedlog Zakona o robnim rezervama Kantona Sarajevo?”

Podsjetit ću vas da je Vlada Kantona Sarajevo 28.07.2022. godine utvrdila Nacrt zakona robnim rezervama Kantona Sarajevo, a više od godinu dana kasnije 04.10.2023. godine prihvatila ga je i Skupština KS i uputila u javnu raspravu u trajanju od 60 dana. Godinu dana nakon toga, 27.11.2024. godine Direkcija za robne rezerve uputila je poziv na konsultacije povodom prijedloga zakona, koje su završene 10.12.2024. godine, a do danas on još uvijek nije u skupštinskoj proceduri.“

Na navedeno zastupničko pitanje, iz djelokruga poslova Direkcije dajemo sljedeći odgovor:

Direkcija za robne rezerve Kantona Sarajevo (u daljem tekstu: Direkcija) programirala je donošenje novog Zakona o robnim rezervama Kantona Sarajevo (u daljem tekstu: Prijedlog zakona) za 2024. godinu. Međutim, u toku 2024. godine zbog preseljenja na drugu lokaciju koje je zbog prirode djelatnosti Direkcije bilo izazovno, izrada Prijedloga zakona je prolongirana po završetku preseljenja. Nakon toga, nakon što su uvažene određene primjedbe, mišljenja i sugestije koje su iznesene u toku javne rasprave, Direkcija je pristupila daljoj proceduri pri čemu je objavila poziv za konsultacije u skladu sa Uredbom o procjeni uticaja propisa u Kantonu Sarajevo („Službene novine Kantona Sarajevo“, broj: 29/22). Po završetku konsultacija, Direkcija je bila u obavezi da provede sveobuhvatnu procjenu uticaja propisa. To je podrazumijevalo da Direkcija popuni Obrazac 2 i da zatraži mišljenje od kontrolnih tijela o provedenoj procjeni uticaja propisa. Nakon dobijanja potrebnih mišljenja, zatraženo je mišljenje Centralnog koordinirajućeg tijela na Prijedlog zakona, koje je Direkcija i zaprimila 22.01.2025. godine. Nakon navedenog, u skladu sa Uredbom o postupku i načinu pripremanja, izrade i dostavljanja propisa („Službene novine Kantona Sarajevo“.

br. 50/17 – Drugi novi prečišćeni tekst. 2/18 Ispravka i 32/22) Direkcija je zatražila i mišljenje od Ureda za zakonodavstvo, koji je dao određene primjedbe i sugestije na tekst Prijedloga zakona. Sa tim u vezi, upućen je i zahtjev za mišljenje Agenciji za javne nabavke Kantona Sarajevo.

Nakon što dobije Direkcija konačno mišljenje Ureda za zakonodavstvo Kantona Sarajevo, te mišljenje Ekonomsko-socijalnog vijeća za područje Kantona Sarajevo, Prijedlog zakona će biti upućen u dalju proceduru, odnosno prema Vladi Kantona, a što očekujemo da će se desiti u relativno kratkom roku.

Želimo istaći da je Direkcija uložila maksimalne napore da uvaži sve prijedloge, sugestije i mišljenja u tekstu Prijedloga zakona, kako bi se predložio kvalitetan propis.

S poštovanjem,

Pripremio: Eldin Šarić, pomoćnik direktorice

DIREKTORICA

1 : a Imamović – Gus.ć dipl. ecc.

Dostaviti:

1. Naslovu x2,

2. A/a.

